

կայծակն (շախմատ), կայծքար և արեթ (զավ),
կրեթը պատրաստում էին կաղնի, ուռի և թաքդի
ծառերի ընկերում աճող ծառաստեղծից, որը եկում
էին խաշված փայտի չրի և կաղնի վալտի մոխ-
րի թորված ջրով: Լեմեն տունն ինքն էր պատրաս-
տում իր տան օգտագործելիք բոլորումնավետ ա-
րեթը:

Հայ թև բուրդ բնակչության մեջ պահպանված
էր ավանդական այն սովորությունը, թե մուստաա
ամանից կերակուր ուտելը սրբապղծություն է:
Լեմենը մոռնառ էին համարում, եթե սխալմամբ
հացի տաշտի մեջ ճերմակեղեն կամ երեխայի
շոր էին վանում, երբ մուկ էր բնկնում կամ ան-
մարսուր նկատված որեէ բանով ամանից ջուր էին
առնում: Այս առթիվ շատ բծախնդիր էին տան
կանայր, ի մասնավորի մամիկը կամ տան մեծ
հարուր (թոռների տեր): Խարուր ամանը և անմա-
րսուր (լվացրի և լուգանալու տաշտ, շան լակի
աման, լվացրի ջուր լցնելու քարղան) պահում էին
զատ-զատ տեղերում և զգուշանում աղտոտը
(մոռնառ) խառնել մաքուրի հետ, իսկ եթե պա-
տահեր, որ ամաններից մեկը վերը հիշված պարա-
զանների տակ մնար, եթե կավեղեն էր, կտարում
էին և կամ դասում մոռնառների կարգը, իսկ եթե
ողնձեղեն էր, մինչև որ կլայեկել շտային, չէին
օգտագործում, եթե փայտե աման էր (գուշ, տե-
փուր, շերեփ, դղալ և այլն) ու եթե շունն էր լիզել,
կամ մուկն էր վրան ման եկել, անմիջապես ե-
ռացրած մոխրաջրով մի լավ խաշում և եկեղեցուց
բերված խաչի օրհնված ջրով ցողում էին, իսկ
եթե եկեղեցի չունեին, լուսաղբյուրի ջրով լվանում
ու բռնում էին խուսկի ծխի վրա, այդ ձևով այն
մարբերով պղծվածությունից:

Օթախի օջախի վերեւում, պատերի վրա զետե-
ղում էին ցորենի, զարու և կորեկի հասկերից
հյուսված փնջիկներ և անթառամ ծաղկեպսակներ,
որոնք փոխվում էին ամեն տարի և նորերը նոր
ձեւերով հյուսվել, փնջեր կամ պսակներ դնում:
Նույն ձևով զարդարում էին թոնրատան դռան վե-
րին մասը, ամբարը, դղնոց կախված սյունը, իսկ
մուտքի դռան պատի, կապույտ ուլունքի և սխտո-
րի սովորական շարոցին ավելացնում էին շորա-
ցած և հրկար ժամանակ դիմացող ծաղկեփնջեր,
միշտ նախապատվություն տալով ցորենի և զարու
հասկերից հյուսված ծղոտներին և անթառամ ծաղ-
կին:

Օթախը միշտ ճերմակեցնելու (սպիտակեցնելու),
մարուր պտհելու և առհասարակ օթախը կամ
տունը ծաղկադարձելու աշխատանքները կատա-
րում էին տան շափահաս աղջիկները, որոնք մըր-

ցում էին իրար հետ ավելի գեղեցիկ, ավելի հա-
շակավոր զարդարանքներ ստեղծագործելու հա-
մար:

Տան ամբարի տեսանելի մի վայրում դնում
էին գտակից մի շարաթ առաջ, ծաղկազարդի
(ծաղկադար) կիրակի օրն օրհնված ուռի շյուղե-
րից պատրաստված հյուսկ կամ պսակ, որը պա-
հում էին մինչև եկող տարվա ծաղկազարդի օրը:

Բացի աղաների ղոնախներից ու աղաներից և
խաթուններից, մնացյալ ողջ գյուղացիությունը
ընդհանուր ձեւերով պահպանում և օգտագործում
էր այն բոլորը, ինչ վերը նկարագրվեց: Աղբատ-
ները և հարուստները զանազանվում էին նրանով,
որ մեկը շատ ուներ, մյուսը՝ քիչ, բայց և ուներ
Եթե տոհմային մեծ գերդաստանի տանը ութից-
ուտսը խնոցի կամ տիկ էր հարվում, չբավորինը
մեկ հատ էր լինում, եթե տոհմային տան ծալքում
քսանից մինչև հիսուն գորդ, կապերտ, ճեճիմ,
նաշխուն բարձ, հյուրերի համար պահված գոթնի
երեսներով տասից ավելի անկողին և վերմակ էր
լինում, աղբատն էլ, բացի իր տեղաշարից, իր ու-
ժերին համապատասխան, թեև քիչ, բայց ուներ
հյուրի տակ փռելու անկողին: Եթե տոհմային տան
բիւրրում տասից ավելի մեծ ու փոքր խոնջա կար,
աղբատն թոնրատան մի անկյունում գրված էր լի-
նում: Ի՞նչ կամ երկու խոնջա և այլն: Ձեն ու սովոր-
ությունը մնում էր նույնը, փոխվում էին միայն
որակը, բանակը և չափսերը:

Լեռնաշխարհում բուրսի օգտագործումը ընդ-
հանրացած չէր, դրա դերը կատարում էին թոնիրը
և առավելապես գոմերի ու ախոռների սաքուններն
ու թախտերը: Բուրսին գործածում էին դաշտային
շրջանները, ուր անտառներ չկային ու փայտը փո-
ղով էին գնում:

ՁԳԵՍՏ ԵՎ ՁԱՐԴԱՐԱՆՔ

Դերսիմում, ուր դարեր շարունակ հայն ու
քուրդն ապրել էին կողք-կողքի, անվթար պահ-
պանել էին իրենց ավանդություններն ու սովորու-
թյունները, քիչ տարբերությամբ՝ նաև տարազն
ու զարդարանքը: Հնարավոր չէր զանազանել հայը
քրդից և անջատել մեկը մյուսից, որովհետև ապ-
րում էին նույն միջավայրում և բնական նույն
պայմաններում:

Ձգեստ: Երեխաների հագուստներ: Մինչև ութ
տարեկան երկսեռ երեխաները հագնում էին միա-
ձե, միայն թե տղաները ղլիսներին դնում էին բըր-
դից հյուսված գտակ, իսկ աղջիկները կապում էին

մայրիմա (թաշկինակ, մեներիլ՝ հայերեն, տսմալ՝ քրդերեն)։

Մարմինն հագնում էին շապիկ, հայերը՝ ձերմակ կտավից, քրդերը՝ ալ։ Շապիկի երկարությունը հասնում էր մինչև ծնկներից մի թիղ վար, երկար թևերը մինչև դաստակները, ուր փոթիկի վրայից կախված էր լինում երկու մատի լայնքով փոթեզը, որի մի կողմը ծակի տեղ օգտագործվող թևից հյուսված օղակն էր, իսկ մյուս կողմը՝ կոճակի տեղ ծառայող գնդիկը։

Շապիկի վերին մասը, այսինքն՝ պորտից մինչև վիզը, բացված էր՝ շապիկը գլխից հանելու համար։ Այդ բացվածքն առանց ծակի և կոճակի էր, միայն վզի մոտ, ուր կարված էր յախան (օձիք), փոթեզի վրա գործած օղակի (իլիկ) և զնդիկի (թևից հյուսված կոճակ) նման մի օղակ և մի զնդիկ ունեւր, որը ծառայում էր վզին մոտիկ շապիկի օձիքը կոճակելուն։ Շապիկի վարի մասի աջ և ձախ կողմերը չորս մատնաչափ ձեղքված էր լինում։

Վարի մասում (պորտից վար) հագնում էին նույն կտորից կարված քումբան (վարտիք), որի հետույքն ավելի լայն էր ու կոշվում էր դմակ, երկարությունը հասնում էր մինչև ոտքի կոճիկները, ուր նույն կտորից կարված էին երկու նեղ շերտ, որոնք փոթիկի դեր էին կատարում և կապվում էին կոճիկների վրա։

Թումբանի վերին մասը երկու մատի լայնքով ներս դարձված և թակալ կարող կարված էր, որը կոշում էին խոնկողարձ կամ խոնկողարձ։ Այդ դարձվածքի պորտի կողմի վրա մի մատնաչափ անցք էին բացում, որպեսզի կարելի լիներ խոնկուն խոնձեպատով անցընել խոնձողարձի մեջ և կապել։ Թումբանի երկու ոտքերի միացված տեղը, ուր կարված էր լինում տեպլեն, տղոց միգելու համար փոքր ծակ էին թողնում, որը դրսից չէր երևում, նախ որ երկու ոտքերի մեջտեղը, աղի կենտրոնում էր և հետո փոթերը ծածկում էին այն։ Այս ծակը կոշում էին ջրթափ։ Տղաները շապիկի փեշերը դնում էին թումբանի մեջ և կապում խոնկալով (ուշխուր)։ Թումբանի ոտքերի կապված մասը գետեղում էին բուճի (գուլպա) մեջ և կապում քնքնկալով։ Բուճի վրայից հագնում էին շաբըխ (տրեխ)։

Թումբանի և շապիկի վրայից հագնում էին մանուսայից (շապկաձև) կարված երկար թևերով, շապիկից ավելի երկար էնթերին (էնթարի), որը պորտից վեր միայն բացվածք ունեւր, վարի մասը շապիկի նման ամեն կողմից կարված էր, ուստի ծածկում էր շապիկն ու թումբանը մինչև ոտքի կո-

ճիկները։ Աղջիկների էնթերին տղաների հագածից տարբերելու համար մի մատ ավելի էին ձգում և ետևի մասը փոթ-փոթ անում։

Այն, ինչ ասվեց, ձմռան հագուստի մասին էր, իսկ ամառը առանց վարտիքի, ոտաբոբիկ, միայն մի շապիկով և մեջքին կապված մի լարանով շորջում էին սար ու ձոր։

Պետք է ավելացնել, թե ձմռանը երեխաները երբ դուրս էին գալիս խաղալու կամ որևէ տնային աշխատանք կատարելու, էնթերիի վրայից հագնում էին աբա։ Սա տնային գործվածք էր, առավելապես թիֆթիկ այծերի մետաքսանման և շատ փափուկ մազից հյուսված կամ գործված։ Արան մի տեսակ թիկնոց էր, որն իջնում էր մինչև գոտկատեղը, թևերը հասնում էին մինչև արմուկները, սաշտալանում թիկունքը և կողերը։ Կոճակներ չունեւր, առջևի մասը մնում էր բաց։ Արայի կիսաթևի տակից կախված էին նույն հյուսվածքից մազափեշիկներ, իսկ երիզները, վարի մասը և թևերի բերանը դաթանով ասեղնագործված էին։

Չափաճաս տղամաքդկանց հագուստներ։ Շապիկի, թումբանի, բուճի և շարիխի ձևի և դործածություն մեջ ոչ մի տարբերություն չկար, փոխվում էր տարազը։ Շապիկի և թումբանի վրայից հագնում էին իշլիկ, որն ունեւր երկար թևեր, նույնպես փոթիկով և իլիկով։ Իշլիկն ավելի կարճ էր լինում, քան շապիկը, հասնում էր մինչև մի թիղ ծունկից վեր, ունեւր օձիք, որը կոճկվում էր բլից մինչև փեշերի վարի ծայրը։ Իշլիկը կարում էին Արաբկիրի մանուսայից, թևերի տակ դնում էին ձազ (եռանկուն կտոր), որպեսզի թևերը հանդիստ շարժին, կարում էին քակալով (թակկար)։

Շապիկի վարի փեշերը դնում էին թումբանի մեջ, իսկ իշլիկի փեշերը մնում էին դուրսը և ծածկում թումբանի խոնձողարձը։

Թումբանի վրայից հագնում էին շալ (սա չփոթել կանանց գլխին, ուսին կամ հետույքին կապված շալի հետ), որին քրդերը շալվար էին ասում։ Շալը բրդից գործված կտորեղեն էր՝ սրճագույն, երբեմն սև, նայած ոչխարի բրդի գույնին։ Հագուստեղենի կտորեղենները կամ հումքի թելը չէին ներկում, որովհետև կային սրճագույն և սև ոչխարներ, որոնք առանց ներկվելու պահում էին իրենց բնական գույնը։ Ներկում էին միայն սպիտակ բրդի թելը¹։

¹ Բրդերն էլ հագնում էին այն շալվարը, ինչ հայերը, միայն թե ամառն սաշտոնական ընդունելությունների կամ տոնակատարության զեպու առթիվ հագնում էին բրդե թելից հյուսված սպիտակ շալվար։

Շալի ունեւր թումբրանի ձե, միայն ավելի լայն, բայց ավելի կարճ էր: Եթե թումբրանի փողքերը հասնում էին մինչև կոճիկները և կապվում այնտեղ, շալի փողքերը հասնում էին կոճիկից մի թիղ վեր և նեղանում տղզրին համեմատ, բերանը կտրէր, առանց ճեղքների և կապի: Շալի դմակը ավելի լայն էր, խոնձորաձի լայնությունը՝ երկու մատ, աղբ՝ լայն ու խորր: Ուր կապված էր տեպլեն, պտնվում էր ջրթուփի ծակը: Շալի երկու կողմերին կային դրպաններ, որոնց բերանները զայթանով ասեղնագործված էին, իսկ խոնձորաձի կտորից էին կտրում: Եթե թումբրանի փաշաները գնում էին բուժի մեջ, ապա շալինը մինչև բուժը չէր հասնում, այնպես որ տղամարդիկ բուժի վրայից անցնում էին թուղուի (առանց թաթի, փարբ հաղիվ ոտքը միջից անցնելու չափ նեղ, վերը աղբրի լայնությունը խոզովակաձև դործվածք), վարի մասը պնում բուժի մեջ, իսկ վրայի մասը, որ հասնում էր մինչև ծնկատակը, իր մեջ առնում էր շալի վարի բերանը: Թողլուխն էլ բուժի նման ունեւր բրդի թելից հյուսված կապ, որի ծայրին փոքրիկ փնջիկներ կային ու երբ շալի բերանը դնում էին թողլուխի մեջ և թողլուխ-կապով կապում այն, փնջիկները գրաի կողմից երկու մատնաչափ կախվում էին թողլուխի վրա, այն ուղղությամբ, ինչ ուղղությամբ կախվում էին բժնակապի փնջիկները, այսինքն՝ դեպի գուրս, ծնկներից վար դեպի աջ ու ձախ:

Խոնձան խոնձորաձի մեջ անցնում էին փայտե մախաթով, որը կոչվում էր խոնճենփետ:

Շալի վրայից կապում էին բաղմագույն կամ միագույն գոտի, որի երկարությունը երկուսից երկուսուկես զուլաճ էր, լայնքը՝ արմունկաչափ: Գոտիի մի մասը իջնում էր շալի վրա և ծածկում խոնձագործը, իսկ մյուս մասը հասնում էր մինչև պորտառուղը: Հասարակ գյուղացիների գործած պոտին սեղական էր: Ինչպես հագուստի կտորեղենը, նույնպես և գոտին գործում էին բրդի թելից, ուպա լմում, հասլում, խտացնում և փափկացնում: Երիտասարդների գոտիներն ավելի շատ ծաղկուն կամ պունավոր էին լինում, քան տարեցներինը: Գոտու երկու ծայրերին մորուսաձև փնջիկներ կային:

Շալի նույն կտորից կարում էին նաև ելեկը. որն առանց թեի, կուրծքը սրտի ձևով բաց, առանց օձիքի հագնելիք էր, ունեւր հինգից-վեց իլիկ և դեգիկ: Քղանցքներն իրար վրա չէին հանվում, այլ մնում էին ուղղահայաց և դեմ առ դեմ կոճկվում էին:

Ելեկը հագնում էին իշլիկի վրայից, որը իջնում

էր մինչև պորտառուղը: Ելեկի քղանցքների եղերքները, կրծքի բացվածքի սրտաձև շրջանակը դայթանով ասեղնադործված էին, իսկ վարի մասի եղերքը ոչ միայն թակաված, այլև խաշասեղված էր լինում:

Ղեզբիքն շալի և ելեկի լրացուցիչ մասն էր կաղմում: Կարում էին նույն կտորից: Ղեզբիքի թեկերը երկար էին, հասնում էին մինչև արմունկները: Իշլիկի փոթիկի եզերքի մի մասն էր միայն Լրեում ղեզբիքի թեկերին ուսկից: Կուրծքը բաց էր, քղանցքները իրար չէին հասնում, կուրծքը և թեկերանը՝ առանց կոճակի: Ղեզբիքն, որ նույն սալթան էր, հագնում էին ելեկի վրայից, որը հասնում էր մինչև պորտառուղը և երկու մատ ավելի երկար էր, քան ելեկը: Ղեզբիքի քղանցքների (կրծքի եզերքները) վարի կոր մասը զայթանով ասեղնադործված էին, դրպաններ չունեւր:

Նույն կտորից, նույն ձևերով հագնում էին նաև քրդերը: Ուրեմն, հայ և քուրդ տղամարդու ներքին ու արտաքին հագուստները հետեյալներն էին (հայերեն և քրդերեն անվանումներով)՝ շապիկ-շապիկ, թումբան-թումբան, իշլիկ-իշլիկ շալ-շալվար, ելեկ-ելեկ, սալթա-ղեզբիք, բուժ-բուժ, թողլուխ-թողլուխ, շարբի-շարբի:

Պատանիները գլխին գնում էին նախշուն ալախի, շափահասները՝ բոլոս կամ բոլոգ, առանց ճիւղտի, իսկ ծերերը՝ քոլոգ կամ անծոպ ֆես կամ բյուլվան (քեչե-քյուլվան), որոնք եզերքը փաթաթում էին ոլորված հինտի կամ փուշի:

Հինտին գունավոր ծաղկուն յազման էր, որը ավելի հաստ էր լինում, քան լաչակը և որի ծավալի միջին չափսը 0,80 քառակուսի մետր էր, առանձին շրջանակներով և երեք մատ եզրանցքներով: Բամբակի նուրբ թելից գործված այս շղարշը, որ կաղապարներով նախշում էին, մեկից մինչև տասը հատ իրար միացած էին լինում և ծախելու ժամանակ, գնորդի պահանջին համապատասխան, անջատում ու տալիս էին: Հինտին գնում էին շրջկենտրոնների առևտրականներից կամ գյուղերում շրջող փերեղականներից:

Տարեց տղամարդիկ իրենց գլխանոցի եզրին փաթաթում էին երեքից մինչև հինգ զուլազ (շուխտ) ոլորված հինտի:

Տիգլիկը կարում էին կապույտ մահուդի կտավից: Եթե շալն ու ղեզբիքն ձմռան հագուստ էին կամ պաշտոնական զգեստ, ախլիկը գործի հագուստ էր, որի ձևը նման էր շալի ձևին, միայն դմակը՝ ավելի փոքր, բայց ոչ զպկայի նման: Տիգլիկի ծնկների միջի կողմից կարում էին քառակուսի կտոր, որին ասում էին ծնկնտեղ: Տեպլեն և աղբ

մնում էին նույնը՝ ցույց գրպանով, խոնջդարձով և ջրթափով:

Տիպիկն էլ խոնձայի միջոցով ետևի կողմը փոթ-փոթ էին անում և դմակի ձև տալիս, որովհետև թե շալի և թե տիպիկի ետևի մասը երեք մար էր, առջևը՝ երկու մար:

Ամռանը ելեկ չէին հագնում, իսկ իշիկին փոխարինում էր նույն կապույտ կտորից կարված իշիկաձև չեքմեն, որը հագնում էին շապիկի վրայից և վարի փեշերը դնում շալի մեջ: Թեև կոճակներ ունեին, բայց չէին կոճկում: Կուրծքը բաց, թե վերը վեր սոթտած մինչև արմունկները, գնում էին աշխատանքի:

Ամառ թե ձմեռ գոտին մնում էր անփոփոխ, գյուղացին առանց գոտու չէր կարող աշխատել: Գոտին մեջքը պնդացնում, որովայնը սեղմում, կողերը պաշտպանում և ամրապնդում էր:

Տաբեց տղամարդկանց հագուստներ: Հասակավորների պաշտոնական տեղական տարազը միևնույնն էր՝ տակի թումբան-շապիկից, իշիկ-եկեկից մինչև դեզեքին մնում էր նույնը, միայն տարիքավորները հագնում էին անթաբի (էնթերի) առանց շալի (շալվար):

Անթարին կազմված էր չորս մարից, երկու մար պետենին (թիկունք), երկու մար առջևում, թևերի տակ կարում էին նույն կտորից ձագ, որը եռանկյունաձև էր լինում և հնարավորություն էր տալիս թևերն ազատ շարժելու, ավելի ճիշտ, ձախը լայնացնում էր թևի վերին մասը և պահում համաշխարհային ուսի կլորության հետ:

Մարը կտորի լայնության չափս էր: Մի մարը նույն կտորի ամբողջական լայնքն է, երկու մարը իրար կարած, առանց որևէ ճեղքվածքի, ուսից մինչև ծնկատեղից չորս մատ վար բռնում էր ամբողջ պետենը, աջ և ձախ կողմի մարերը պետենի մարերին կարում էին ղուլթուղից մինչև կոնքուկորր, որից վար չէին կարում և պետենի ու առջևի մարի միջի կոնքուկորից մինչև ծնկներից չորս մատ վար մնում էր իրար չմիացած ճեղքվածք, որի ներսի կողմը երկու մատ լայնությամբ երիզ էին կարում, իսկ դրսի կողմից, բացվածքի երկարությամբ՝ ղայթան:

Պետենի մարերի միացված տեղից վար ձգված ճեղքվածքին շաֆ կամ ցաֆ էին ասում, այդպիսով, անթարին մեջքից վեր երկու ցաքով երեք ղոնաա էր կազմում:

Անթարի միջի աստառը կարմիր ալից (գունավոր կտավ) կամ կապույտ կտավից (մահուդի) էր: Երբեմն աստառը կապույտ կտավից էին դնում, իսկ անթարի կտորը առավելապես Արաբկիրի

մասնուսայից կամ Կուլքնիից էր: Թևերը հասնում էին մինչև պաստակները, ուր երեք մատ խորությամբ չար էին պցում, որի եզերքները ղայթանով բանված էին լինում:

Անթարին հագնում էին թումբանի և շապիկի վրայից: Կրծքի ճեղքվածքի բացվածքը սրտաձև, իսկ քղանցքներն առանց կոճակի բերում էին մեկը սյուսի վրա, ապա վրայից կապում գոտին:

Անթարի աջ և ձախ կողմերին, չաքերից քիչ վերև ներքնագրպաններ կային, որոնց բերանը չորսից ղայթանով եզերված էր: Գրպանները հորիզոնական ձևով իջնում էին աջ ու ձախ մարերի տակ:

Աշխատելու ժամանակ անթարի երկու փեշերի ծայրերը վեր էին առնում և ամրացնում գոտուն, թևերը մինչև արմունկները վեր էին քաշում, կուրծքը բաց թողնում: Նույնը և՛ շապիկին:

Անթարի վրայից հագնում էին թիկնոց (աբա), որի մասին վերը խոսվեց: Այս ձևով հագնում էին տարեցները, որոնք ևս հարսանիքների, ուխտագնացության կամ կոչունքների ժամանակ հագնում էին պաշտոնական ազգային տարազ՝ դեզեֆի, ելեկ, շալ (շալվար) և գոտի:

Լեռնաշխարհի գյուղացիության ամենօրյա ոտնամանը չարըխն էր (տրեխ), իսկ պաշտոնականը և ամառվա քաղի ու կալի ժամանակ հագնելիքը նաև հասլն էր: Ծերերը տան մեջ հագնում էին սեկից կարած մես, որը պատրաստում էին ուլի կամ պառան մորթուց և կարում թակլկարով: Մեսը բուլի ձև ունեին, հագնում էին ձմռանը՝ բուլի վրայից, իսկ տան պաշտոնական կոշիկը ղոնտուլաա էր, որը ընդհանուրի սեփականությունն էր:

Անկախ վերը նշվածներից, տան մեծ-պապը, ռեսը, քեհյան, տանուտերը պաշտոնական ընդունելությունների, հարսանիքի, ուխտագնացության կամ կոչունքների ժամանակ հագնում էին ժառանգական ֆյուրքը: Քյուրքը կարում էին աղվեսի, կզաքիսի կամ արջի մորթուց: Ունեին լայն ու երկար թևեր, լայն պետեն և փեշեր (քղանցք): Քյուրքը չէին կոճկում, այլ քղանցքներն իրար վրա էին բերում կամ առնում էին ուղղակի ուսերին, առանց թևերը հագնելու:

Քյուրքի թևերի աստառը, գրպանները մահուդի կտավից էին, իսկ ներքնաստառը՝ առավելապես բրդից գործված նուրբ կտորից: Ծթե շապիկը, թումբանը, ելեկը, իշիկը կարվում էին տանը, ընտանիքի մասնագիտացած մեկ կամ ավելի անգամների կողմից, ապա քյուրքը կարել էին տալիս շրջկենտրոններում գործող մասնավոր քյուրքճիհի-

րին և կամ ձևեր բերում փոխանակության միջոցով:

Տան մեծի մասից հետո քյուրքը ժառանգաբար անցնում էր նրա անդրանիկ զավակին: Այն մի տեսակ ընդհանրական սեփականություն էր և օգտագործվում էր, բայց պատշաճի, նաև տան մյուս անդամների կողմից:

Լեոնաշխարհի գյուղերում կարի մեքենաների մասին գաղափար չունեին: Զարդացած էր ձեռնարկարը, որը թեև ժամանակ շատ էր խլում, բայց իր որակով չէր պիտի մեքենակարին: Թակալը (թակալար) երկկողմանի կար էր, կարծես թե մեքենայով կարված, մի կտորից մյուսը բաց տեղ չկար, ինչպես դրսի, նույնպես և ներսի կարերը հավասար մեծությամբ ուղղահայաց կամ հորիզոնական մի գիծ էին կազմում: Շուրջը (շուրջել) թակալի տարբեր մի ձևն էր. կարը կարին շերտով, մի ասեղբերան ատնված կարի մինչև մյուս ասեղբերանի տարածությունը, փորը բաց տեղ էր մնում: Խաչկալը երկու նայատակի էր ծասայում, նախ՝ նախշի, ապա՝ ամուր կարի: Իշիկի բլանցները խաչկարով էին կարում: Կար և շուրջալակալը՝ իրարից քիչ հեռու, նույն հավասար ուղղությամբ: Թեկալը օղտագործում էին հաստ կտորներ կարելիս, որը նմանում էր կարի մեքենայի զույգ կարին: Եզրկալը (փեշկալ) բոլորովին տարբեր բնույթ ուներ: Հագուստի եզրքները, ուր զայթան չէին օգտագործում, եզրակարով էին ամրացնում: Եզրակարը հագուստի եզրքները մաշվելուց պաշտպանելու մի տեսակ միջոց էր, որն ուղղակի պարզ կար չէր, այլ մի տեսակ քով-քովի բանվածք: Խիտ-խիտ, ասեղնագործ այս կարը մասնագիտական աշխատանք էր, որը կատարում էին շտիպահաս աղջիկները և նոր հարսները: Խիկկալը հյուսք էր, ասեղնագործ զայթանի նման ամրացված կոճակի դիմացի եզրկարին, որին ղուդընթաց կարում էին կոճակը:

Ուզա: Եթե քյուրքի գործածությունը հատուկ մարդկանց առանձնաշնորհ էր, սագոն ընդհանրական տարուղ էր, որը ձմռանը անթափի և սալթայի վրայից հագնում էին ծերերը: Սագոն կարում էին տանը գործված բրդե կտորից: Բաղկանում էր չորս մասից, ուներ մահուդի կտավից աստառ, թևերը հասնում էին մինչև արմունկները, աջ և ձախ կողմերում՝ զրպաններ, իջնում էր ծնկատեղից մինչև չորս մաստ վար, կոճակներ չունեին, կտրված բաց էր, քղանցքները հասնում էին իրար: Սագոն առավելապես գցում էին ուսերին:

Եթե այծենակաճը (քեչե) հովվական անթև արտադրուստ էր, պատրաստված թաղիքից, սա-

յոն թեև թևավոր, բայց ուսերին պղպուղ համաձև հագուստ էր:

Զարմանալի թող չթվա, եթե ասվի, թե հակառակ վերը բերված տարազների ազգային բնույթին, և գործածական բնահանուր ձևին, և հակառակ լեոնաշխարհի կլիմայական խիստ պայմաններին, Դերսիմի լեոնականների մեծամասնության ամենօրյա գործածական տարազը բաղկանում էր կտրված սրտաձև բաց շապիկից, թումբանից, սալթայից և զոտուց: Ամռանը սալթա էլ չէին հագնում, ման էին գալիս թումբան-շապիկով, իսկ ձմռանը կտրվածքներին բաց, սառցի շերտեր կախված բխերից և մորուսից, առանց մրսելու վախն ունենալու շրջում էին լեռ ու ձոր: Վերը գրանցված տարազները պաշտոնական բնույթ էին կրում, մեծամասնության օգտագործածը սպիտակ կտավից շապիկ-թումբանն էր:

Լեոնաշխարհի բոլոր բնակիչները, հայ թե քուրդ, առանց սեռի, դավանանքի և տարիքի խնդրության, ամառ թե ձմեռ պառկում էին մերկ, Հայերն ասում էին՝ մոքից մեք, քուրդերը՝ ուր (մերկ): Անկողին էին մտնում առանց որևէ ներքնահագուստի:


Կանանց հագուստներ: Դերսիմի լեոնաբնակ հայերի և քուրդերի տարազների միջև գրեթե տարբերություններ չկային, միայն հայերը շապիկը կարում էին ամերիկյան կապույտ կտավից, իսկ քուրդերը՝ կարմիր, ալ կտորից, ավելի ծերերը՝ կապույտ մահուդի կտավից:

Կանանց շապիկն ավելի երկար էր լինում, քան տղամարդկանցը, հասնում էր ոտքի կոճերին և վարի եզրերը երեք մատնաչափ ասեղնագործված էր լինում: Թևերը երկար էին, հատման տեղը՝ փոթիկավոր, փոթերի վրա կարում էին երեք մատ լայնությամբ բոթնկալ (փոթնդարձ), որի լայնքը համապատասխանում էր դաստակի հաստությանը և կոճկվում էր:

Շապիկի աջ և ձախ կողմերում հինգ մատնաչափ խորությամբ ճեղքվածքներ կային (չաք), որոնց եզրերները եզրակարով ասեղնագործված էին, իսկ պորտից մինչև վիզը ուղիղ գծով ճեղքվածք կար:

Կանանց վարտիքն ավելի լայն էր լինում, վերին մասը նման էր տղամարդկանց շալվարին, ետևը՝ փոթ-փոթ իրար պղպուղված և խոնճարձի միջից անցված խոնճայով, ղիստրի հատման վայրում հանգուցված:

Թումբանը կարում էին ղուրճիից, փաղենից (ծաղկուն բամբուկյա կտոր) և ալանայից (մե-



Նկ. 23. 1. Գողնոցի ղոտի, 2. կրծկալ, 3. ղողնոց, 4. իլիկի ղայթան, 5. կոճակ, 6. իլիկ (կոճակի սղակ), 7. տոնօրյա նախշուն լաշակ—ա. ուլունք, բ. շուշաուլունք, գ. փուլ, 8. աղեղ—ա. կաշվե թուկ, բ. աղեղի ճիպոտ, 9. աղեղ (բամբակ զգելու), 10. աղնփաթ, 11. սանտերք (բուրդ զգելու), 12. հենք:

տաքսախառն): Հայ կանանց վարտիքն ավելի նեղ էր, քան քրդերինը, հայերի վարտիքի վերի մասը շորս մար էր, քրդերինը՝ վեց մար, իսկ աղից վար

համեմատաբար ավելի նեղանալով, ոտքի կոճերի վերևը կապում էին նույն կտորից կարված երիզ-ներով: Վարտիքներն առհասարակ աստառով էին,

յրսի կտորն անպայման ծաղկուն, իսկ աստառը՝ միայն ալ կտորից:

Թումրանի խոնավարձը տարրեր կտորից էին կարում (առհասարակ՝ կարմիր ալից կամ կապույտ մահուդից), որպեսզի բուն կտորից դանալանվեր:

Խսկուններ (ուշխուր) ցունավոր թևից հյուսված, ստեղծագործից բիշ հասա կտոր լարտն էր, մի ծայրը փոքրիկ փնջիկով:

Տարալի բնականուր ձևը պահպանելով հանդերձ, կային տեղեր, ուր կանայք շապիկի փնջեր, ղնում էին թումրանի մեջ, կային տեղեր էլ, ուր շապիկների երկարությունը հասնում էր գոտկատեղից մի թիղ վարու Այսպես, Ալանաց, Պախիարաց, Լուսնաց աշիրեթների կանայք հագնում էին վարի եղերը սմբուղջովին ասեղնադրծված կարճ շապիկ, որոնց փնջերը մնում էին թումրանից դուրս և ասեղնադրծված մասը երևում էր անթարիկ երկու եղերքները բացված ծայրերից:

Կանանց անթարիկները տղամարդկանցից տարբերվում էին միայն իրենց երկարությամբ և գունապակությամբ, այլապես ձևը, մարերի բաժանքը, շարերի համաչափությունը մնում էր նույնը:

Կանայք նախապատվություն էին տալիս ծաղկուն գունավոր կտորներին և չէին սահմանափակվում մանուսայով ու դուրսիով, այլ օգտագործում էին ֆանելա (բամբակե տպած), ալանա և այլ ծաղկուն կտորներ:

Շապիկի և թումրանի վրայից հագնում էին անթարի, որը հասնում էր մինչև ոտքի կոճիկները: Անթարին կոճակներ չունեն, քղանցքները իրար վրա բերում և վրայից կապում էին գոգնոց, Կրծքի սրտածակ բացվածքի վրայից կապում էին կրծկալ (կրծքեկալ):

Գոգնազը (միզար) գոտկատեղից մինչև կոճիկներից շորս մատ վեր, անթարի ճեղքվածքները չծածկելու պայմանով, շաքերի եղերքից մի մատ լայնությամբ արանք ձգված և ուղիղ վար իջած, տեղական գործված բրդյա կտոր էր, որը լինում էր կարմիր, կապույտ, շագանակագույն:

Գոյնոցի եղերքների երեք կողմը երեք մատ լայնությամբ ասեղնադրծված էր լինում, կապում էին անթարի վրայից, իսկ գոտկատեղի կողմը գոգնոցի վրայից կապում էին գոգնոցկապ: Սա կապերտի նման գործված, նախշուն թելերով ծաղկազարդված երկու մատ լայնությամբ և երեք ղուլաճ երկարությամբ տեղական արտադրանք էր, որի երկու ծայրերին նախշուն նույն թելերից ծուլեր կային:

Գեզնուկապը (նաև՝ միզրակապ, ճոպր, բրդե-

րեն՝ ճոպր) կապում էին գոյնոցի վրայից և հանդրասում (հանդուցել) ձախ կողմի անթարի շաքի վերևում, որի ծուլիկները հասնում էին մինչև ծնկատեղը: Գոյնոցը թևե տեղական գործվածք էր և բնականաբար գործածվում էր հայ և քուրդ գյուղացիների կողմից, բայց կային և շուխայից կարված ի եղերքները ոսկեթել նախշված առավելապես կարմիր շուխա-գոյնոցներ, որ ղործածում էին մեծահարուստ խանուսները կամ խաթունները:

Ուսերից մինչև գոգնոցի վերին մասը հասնող, ասվի կամ շուխա կտորից կարված, գոյգ պայթան թելով երկարակալված և վզի տեղը խորը փորված ծծկալը կոչվում էր կրծկալ (կծկալ, կուրծքեկալ), երկուները ծոծրակի վրա իրար էին կապում ու հանդստում: Կրծկալի վարի մասը հասնում էր գոգնոցի վերի մասին և գոգնոցկապը հավասարապես անցնում էր գոգնոցի և կրծկալի եղերքների վրայից:


Շալ-գուսիլ կանայք անթարի վրայից էին կապում: Դա քառակուսի, բայց եռանկյունաձև երկտակ արած շալ էր, որը ծածկում էր հետույքը և կողերի մի մասը, երկու ծայրերը կապում էին իրար ու մտցնում գոգնոցկապի տակ: Շալ գոտիների մեծ մասը տեղական արտադրանք էր, գործում կամ հյուսում էին գունավոր թելից, նախշում գունավոր թելերով, իսկ ավելի նրբաճաշակ գոտիները գնում էին շրջկենտրոններից կամ գյուղերում շրջագաղղ փերեզակներից: Նման շալ-գոտիները ստացվում էին Թոսիայից, Կյուրիից, Սպահանից և պարսկական այլ շրջաններից: Թոսիայից (Թուրքիա) ստացված շալ-գոտիները կոչվում էին արտադրող քաղաքի անունով՝ Թոսիա, իսկ Պարսկաստանից ստացվածները՝ Լահոռի:

Գլխանոց: Եթե աղջիկները գլուխներին կապում էին լաշակ, հարսները՝ հինտի, յաշմախ և թշկալ. տարիքավոր կանայք դնում էին քոֆի (քոֆթա), որը անձուպ ֆես էր, միջի կողմը բրդե բարձիկներով, վրայից ծածկում էին յազմա, իսկ յազմայի վրայից գցում բրդից հյուսված քառակուսի շալ, որը եռանկյունաձև ծալում և նակտրկապի ու յազմայի վրայից գցում բրդից հյուսված քառակուսի շալ, որը իջեցնելով դեպի մեջքը, իսկ երկու ծայրերը հանգըստելով բլի տակ: Գլխանոցը կամ գլխշորը կարում էին նաև մութ գույնի զանազան կտորներից, որոնք ստացվում էին շրջկենտրոններից:

Չափահաս աղջիկները սովորական օրերին գլուխներին կապում էին սպիտակ, եղերքները ծաղկուն լաշակ, որը 0,80 քմ. նուրբ շղարշ էր (դյուլպենտ), նախ եռանկյուն ծալում, ապա մա-

յերի վրայից, հակառի վերին մասից անցնելով, ծայրերը ծոծրակի ետևը մաղի հյուսկերի տակ իրար էին կապում: Տոնական օրերի լաչակը ունենալով, փուլերով և դանաղան ալլ նախշերով

Ձմռանը հաքուստների և րիտասարդ կանայք անթարի վրայից հագնում էին քաղաքից գնված, բրդախառն մետաքսահյուս կտորից կարված քուլդիքալ. որը ուսերից հասնում էր մինչև կոճ-



Նկ. 24. 1. Մոմձալ (մոմփաթ), 2. ճիթք (տոմա-բուճ) — ա. փնջիկ, բ. բուճ-կապ, 3. տոմա-թողլուխ — ա. փնջիկ, բ. կապ, 4. թաթպան, 5. տոմալ (տեստիմալ):

եզրապատված էր լինում, նույնպես և՛ չորս անկյունները: Չափահաս ամեն մի աղջիկ իր տոնական լաչակը ինքն էր ծաղկազարդում, գեղեցկությամբ, վայելչության համար մրցում էին մեկգմեկի հետ:

Թևնոց (բուլաք): Անթարի կամ շապիկի թևերը շուտ չաղտոտելու կամ մաշելու համար, հագնում էին կապույտ մահուդից կարված թևնոց, որի դաստակի կողմը ավելի նեղ էր և փոթիկավոր, իսկ մինչև արմունկը հասնելը աստիճանաբար լայնանում էր: Թևնոցի վերին մասում նեղ խոնջդարձ էին ձգում, որից անցկացնում էին լարան և հագնելուց հետո սեղմում փոթ-փոթ անում ու կապում:

կատեղերը և ծածկում ամբողջ մարմինը. թևերը երկար էին, ուներ նեղ օձիք և կապույտ մահուդից կամ կարմիր ալից աստառ: Քուրդիքանի քղանցքները և օձիքի եզրերները սրմաթելով ծաղկազարդված էր լինում: Օգտագործում էին որպես վերարկու, բայց բուն ժողովրդի մեջ ընդունված չէր:

Լեռնաշխարհի հասարակ ժողովուրդը նախապատվություն էր տալիս տեղական արտադրանքին և իր ձեռքով, իր հումքից մանված, ներկված ու գործված կտորեղեններին, միայն չունենալու պարագայում հարկադրաբար դիմում էին դրսից եկած կտորեղեններին՝ մաճուսա, զուլֆնի, ալանա, կոալ, մահուդ, ալ, վազեն և այլ բամբակյա

յործվածքներ, որոնք ձեռք էին բերում առավելապես փոխանակության կարգով:

Դերոսիում քիմիական ներկեր չկային, ամեն ինչ տեղական և բնական էր՝ տորոնը, որդան կարմիրը, ընկուզի թարմ տերևը և կեղևը, դանպուրը, օրանի ծղոտը, ոսկեփայլը, անուշը (առունների կզերքին աճող բաց կարմրավուն անուշահամ ծաղիկ), թուֆիան, ծամտիկը (մեծ ջրերի եզերքին աճող անուշահամ արմատ, որ դեղին գույն էր տալիս) և շատ ուրիշ բույսեր, արմատներ ու ծաղիկներ օգտագործվում էին տնային հյուսվածքների, զանազան թելեր ներկելու համար, որոնք պահում էին իրենց գույնը երկար տարիներ:

Գույների մեջ առավելապես աչքի էին ընկնում զոց կարմիրը, ճերմակն ու կանաչը՝ կեղակագույնը, սևը, մանրշակագույնը, դեղինը գրավում էին երկրորդական տեղը:

Ձաղաղաճ: Դիսի հաղաղաճ: Հարուստը և աղքատը, խաթունն ու գեղջկուհին հավասարապես պահպանում էին ավանդական նույն ձևերը, միայն զարդերի և կտորեղենների ընտրության և գործածության ժամանակ ակնհայտ կերպով երևում էր նրանց տարբերությունը: Այսպես՝ բեկերի, աղանների ու մեծահարուստների գործածած զարդեղենը զուտ ոսկուց էր լինում, տոհմային մեծ գերզաստաններինը կեսը ոսկի, կեսը արծաթ, բուն ժողովրդինը, լինելով խաշնարած կամ հողալոր՝ արծաթ և փենեղ, չքավորներինը՝ փենեղ, փուլ, հլուց (ոսկունք):

Թեփեղիկ: Շինվում էր ոսկուց կամ արծաթից և հյուսվում կամ ծաղկազարդվում համապատասխան թելերով: Թեփեղիկը սկավառակաձև կիսաթագ էր, որը կրում էին նոր հարսները և չափահաս կանայք: Կարում էին քոֆու վրա, որի աչք և ձախ կողմերին, ականջների ուղղությամբ, անկեր կային, աչք անկին ամրացված նուրբ շղթան անցնում էր կզակի տակից և ձախ ականջի ետևի կողմից միանում ձախ անկին:

Նախքան թեփեղիկը դնելը, գլուխը հարդարում էին հետևյալ ձևով՝ ճակատի լայնքի համեմատությամբ. մինչև ճակատի կեսից քիչ վար հասնելու պայմանով, կարում էին մազերը և հարդարում ճակատի վրա, ապա մազերի կեսից վեր ճակատին լաշակի ձևով կապում էին փուշի, որը նախ ծալում էին եռանկյունի, ապա իրար վրա՝ ծալ-ծալ (դաթ-դաթ) և կապում ճակատի կտրված մազերի վրայից ու ամրացնում ծոծրակին: Ծակատի կապի տակից երևում էին հոնքերից քիչ վեր ընկած կտրված մազերի փնջիկները, որ կոչվում էին փոռիկ կամ փոռք:


Թեփեղիկի ճակատին նսյող մասում նուրբ շղթայիկներով կախված էին լինում ոսկի կամ արծաթ դրամներ, որոնք, սկսած ձախ հոնքի հատման ուղղությունից, հասնում էին աչք հոնքի հատման տեղին և անցնելով ճակատկապի երեցած մասի վրայից, հասնում փոռիկներին ու միախառնվում դրանց: Թեփեղիկի միացյալ եզերքներից ավելի կարճ շղթաներով կախված էին լինում ավելի փոքր ոսկե կամ արծաթե զարդեր, մեջքնդմեջ անցկացված փուլերով:

Ծթե թեփեղիկի եզերքներից կախված էին լինում միայն մանր զարդեր և ճակատի վրա դրամներ չէին լինում, ճակտերկապի վրայից նույն ձևով և նույն համեմատությամբ կապում էին առանձին ճակտոց: Ծակտոցը իրար ագուցված ոսկե կամ արծաթե շղթան էր, որը կազմված էր ճակատի ամբողջ երկարությամբ համաչափ իրար միացած շղթաներից՝ վարի եզերքից բարակ և նուրբ անկերից կախված ոսկե կամ արծաթե դրամներ (աղքատներինը՝ փենեղներ): Խիտ-փիտ իրար կողքի կախված դրամները ծածկում էին միմյանց՝ կես առ կես, այնպես, որ դիմացից դիտողը դրամների կեսերն էր միայն տեսնում: Այս ձևի ճակտոցը կապում էին ճակտերկապի կեսի վրայից և եզերքներն իրար միացնում ու ամրացնում ծոծրակին: Ծակտոցի շղթաներից կախված դրամները հասնում էին փոռիկների կտրվածքին:


Ծակտոցի վերին շղթայից ոսկե կամ արծաթե կեռիկները անցկացնում էին թեփեղիկի եզերքի այն անկերից, որոնք դրված էին նույն համաչափությամբ, և շարժուն ճակտոցը դառնում էր թեփեղիկի լրացուցիչ մաս՝ համապատասխան զարդերով:

Բացի ճակատի կտրված մազերից (փոռիկ), կտրում էին նաև ականջների վերևի հյուսկերը, որոնք ականջների կողքով այտի վրայից հասնում էին մինչև կզակոսկրի հատման տեղը: Այդ մազափնջերը կոչվում էին զյուլիֆ:

Թեփեղիկի երկու քովերի անկերից կախված այն շղթան, որ անցնում էր կզակի տակից և կապվում մյուս անկին, անցնում էր երկու կողմի զյուլիֆների վրայից և ծառայում որպես ծամթել, որոնց վրա փաթաթվում էին կտրված մազերի փնջիկները և զյուլիֆներին տալիս խոպուպի ձև, այնպես որ հարսի գլխի թեփեղիկի տակից երևում էին ճակտերկապի մի մասը, ճակտոցը, թեփեղիկի եզերքից կախված փոքր զարդերը, կտրված և ճակատին ընկած մազերի փոռիկի մի մասը, իսկ ճակատից վար, դեպի կզակը՝ շրջանակաձև դյուլիֆի խոպուպները: Սրանց եթե ավելացնենք ականջ-



Նկ. 25 .Կնոջ արդուզարդի պիտույքներ: 1. քեմեր (ոսկե), 2. քեմեր, 3. ապարանջան (ոսկե
 դրամից), ա. ոսկեթել շղթա, 4. ապարանջան (պիլեզիկ, արծաթապատ), 5. ճակտնոց (սևանց
 թեփեղիկի), 6. վզնոց (կերտանիղ, մանյակ), 7. ծամկալ (ծամթել), ա. ծուգեր (արծաթե կամ
 հսկունքից), 8-9. խզմաներ, 10. փուլ, 11. թեփեղիկ-ա, գ. անկ, բ. շղթա, դ. ոսկեդրամ,
 12. արծաթաթել պիլեզիկ, 13. պիլեզիկ (հուլունքով զործված):



Նկ. 26. Հագուստի նախշեր: 1. բուճ ելր—տումա (գուլպայի բերանի զունավոր նախշ), 2. խաչ-պատ (տումա-թողուլի զունավոր նախշ), 3. արմուկ (տումա-թողուլի զունավոր նախշ), 4. շապնիկ (շապիկի օձիքի զունավոր ձևազարդ), 5. կակեր (կոյեր՝ գուլպայի զունավոր նախշ), 6. իշիկի կրծքի զունավոր նախշ, 7. բնիսաշք (գուլպայի զունավոր նախշ):

ներից կախված գնդաձև օդերը (զինդ), քթին ամրացված խզման, կարմիր ալախն դաղված աստղաձև կամ սրտաձև դամբան, ապա դիմանկարը կդառնա կատարյալ:

Վզնոց—մանյակ (կեւտանլը): Վզնոցի և մանյակի զանազան տեսակներ կային՝ ոսկե, արծաթե, փնեհղե, ուլունքե, սաթե, նույնիսկ խիտունչի պատյաններից պատրաստված:

Վզնոցը ոսկե կամ արծաթե շղթայի վրա ամրացված թրքական դրամների շարք էր (շարոց), եթե կրողը խանում կամ խաթուն էր, այսինքն՝ աղայի, բեկի կամ մեծահարուստի հարս: Վզնոցի ոլորուն ոսկե շղթայի կենտրոնից կախում էին հինգ ու մեկնոց (պեշի պիւլիկ) թրքական դրամը, ապա ոսկե անկերից կախում էին մեկ-մեկ քոմից (թրքական երկուսուկես ոսկե դրամ), քոմիցներին հաջորդում էին մեկ ոսկինոցներ և շարունակաբար: Հարուստների վզնոցը փոխանակ մեծ ու փոքր ոսկիների շարոցից, ընդհանուր ոսկեշարը լինում էր հինգ մեկնոցներով, երկու կողմի շարքերը՝ քոմիցներ, մեջտեղը՝ մեկ հինգ-մեկնոց, կենտրոնում՝ մի քոմից, եզրաշարերը թրքական մեկ ոսկինոց և շարունակաբար:

Նույն ձևով և նույն դասավորությամբ կային և արծաթե դրամներից կազմված համաձև վզնոցներ:

Մանյակե կրծքնոց (կեւտանլը): Մանյակը կիսալուսնի ձևով, ոսկե կամ արծաթե թելերով նախշված և թանկագին քարերով զարդարված կրծքի վարդ էր, որի երկու ծայրերին ամրացված շղթա-

ները կեռիկներով կամ փակոցով ծոծրակի վրա միացնում էին իրար: Կային մանյակներ, որ բացի ակնակուռ քարերից, բոլորակաձև ոսկե դրամներով էին եզրակալված, իսկ կային էլ, որ առանց շղթաների, հատուկ կեռիկներով կամ փակոցներով ամրացվում էին կրծկալին: Մանյակի գործածության ժամանակ նույնպես հարուստն ու աղքատը զանազանվում էին՝ թանկարժեք մետաղի և ակնեղենի փոխարեն գունավոր պարզ քարեր, ոսկու փոխարեն արծաթ կամ փնեհղ:

Ապարանջան (պիւնզիկ): Ոսկե կամ արծաթե դրամներով, քառակուսի սալիկներով և կամ ոսկե ու արծաթե ոլորված թելերով զանազան ձևերի ապարանջանների տեսակներ շատ կային, երբեմն նույնիսկ ուլունքով աշխատված: Դրամով պատրաստված ապարանջաններ՝ փոքրիկ շղթաներով զարմանքը կապում էին իրար, այսինքն՝ դրամների թուրայի կողմը երևնալու պայմանով շղթաներով միացնում էին դրամի եզրերներին փակցված զույգ անկերի միջոցով: Իսկ սալիկները, որ սավաթ կամ սավաթի էին կոշվում (արծաթ), նույն ձևի շղթաներով կապված էին մեկը մյուսին:

Քամաւ (քեմեւ): Նորահարսների, նույնիսկ տարիքոտ կանանց մեջքի զարդը քամարն էր: Ապարանջանի հետ ներդաշնակութունը պահելու համար ինչ ձևով որ ապարանջան էին դնում, նույն ձևով էլ քամար էին կապում, այսինքն՝ եթե քամարը քառակուսի ոսկե կամ արծաթե սալիկներով էր շինված, նույն ձևով էլ ապարանջան էին շինել տալիս: Քամարի և ապարանջանի ձևը ու

կառույցի միջև տարբերություն չկար, միայն ապարանջանը ավելի փոքր էր լինում և փոքր քառյակներով կամ դրամներով աշխատված, իսկ քամարը մեծ սալիկներով էր շինվում:

Մեծահարուստների կանանց քամարները ակնուղարկված էին: Քամարի կենտրոնում զետեղված հինգ-մեկնոց ոսկի դրամի աջ և ձախ կողմերում դրվում էին քումիցները, որոնց հաջորդում էին մեկ ոսկինոց, ապա երկու կողմերից նորից հինգ-մեկնոցներ, կրկին քումիցներ և լիրաներ, մինչև որ քամարը վերջնականապես կազմվում էր: Ոսկեդրամներն իրար միացնող շղթաների վրա լետևողում էին թանկարժեք քարեր, այս ձևով կազմված քամարը մեկ նեղանում, կրկին լայնանում և աստիճանաբար ելեկներով հասնում էր շատման ծայրերին, ուր հինգ-մեկնոցով երկու ծայրերը ոլորտի վրա միանում էին իրար:

Կային և ոսկեթել հյուսվածքով, իրար աղուցված նուրբ շղթաներով միակտուր և զանազան նախշերով ծաղկազարդված աղամանդակուռ քամարներ և կամ ոսկե սալիկներով իրար շղթայված քամարներ:

Անկախ որպես զարդ գործածված քամարներից, կային և ոսկեպահեստ քամարներ, որոնք պատրաստվում էին կաշվից, համեմատած դրամի չափսին: Մեջքի չափով կարում էին կաշվե երկար ընդունարան, որի պարապուկյան մեջ դրվում էր կաշվե լեզու, իսկ այդ լեզվի վրա դրամի չափով տեղեր էին բացվում, լեզվի երկու ծայրերին կաշվե սրբմեներ էին կարված: Երբ ուզում էին լեզուն դուրս բերել և դրամ զետեղել կամ հանել, քաշում էին վերի ծայրին ամրացված սրբմը, իսկ երբ դրամը զետեղված էր, քաշում էին վարի մասի սրբմը և լեզուն իր ոսկիներով անհետանում էր կաշվե պատյանի մեջ: Նման քամարները կապում էին մեջքին, թումպանի և շապիկի վրայից և թաքցնում խոնջեղարձի իշիկի ու գոտիկի տակ: Ոսկեպահեստ քամարները երեք տեսակ էին լինում՝ հինգ-մեկնոցի, քումիցի և լիրայի չափսերով:

Վերը նշված ոսկե քամարից բացի, կային նույն ձևով արծաթից պատրաստված կամ գունավոր ուլունքներից հյուսված ու փուլերով զարդարված քամարներ, որպիսիք գործ էին ածում չքավորները:

Ծամկալ: Չափահաս աղջիկները, նայած ծամերի խտուկյանը և երկարությունը, մազերը հյուսում էին երեքից-յոթ հյուսքով, իսկ տարիքավորները՝ երկու հյուսքով: Երբ հյուսքերը շատ էին լինում, այսինքն՝ չորսից-յոթը, մեջքի մեջտեղում հյուսված ծամթելով դատ-դատ կապում էին, որ-

պեսզի հյուսքերը այս ու այն կողմ չթեքվեն: Հյուսքերի վերջույթում մազերի ծայրերը չորս մատնաչափ շուրսած էին ձգում, մի փոքր մասը անջատում ու շատ նուրբ մի հյուսք շինում, որով և կապում էին մազափնջիկը, որպեսզի հյուսքը չքանդվեր, իսկ հյուսքի ամեն մի փնջիկի կապված տեղից կախում էին ծամկալը:

Ծամկալը շինում էին ոսկուց, արծաթից, աշխատված ոսկրից կամ հյուսում ուլունքից կամ փուլից, նայած կրողի նյութական կարողությանը: Տարբերվում էին ծամկալների ոչ թե ձևերը, այլ արժեքը: Ծամկալը գործածում էին չափահաս աղջիկները և նորահասները, իսկ ծամթելը՝ առատ մազ և շատ հյուսք ունեցողները:

Խզմա (խզմի): Այս զարդը քրդական էր, բայց հայերից ումանք օգտագործում էին: Խզման էլ պատրաստում էին ոսկուց կամ արծաթից, ծաղկազարդում զանազան նախշերով: Կային, որ խզմայի կենտրոնից վեր բարձրացած մասում կապույտ ուլունք, կային էլ, որ թանկագին քարեր էին դնում:

Խզման առհասարակ կլոր էր լինում, երբեմն էլ սրտաձև ու աստղաձև, բոլորն էլ փորագրված կամ ծաղկազարդված: Խզման ամրացնում էին քթի ծակի մոտ մասին դրսի կողմից: Դեռ օրորոցում գտնվելիս աղջիկների ականջները ծակում և դերձան էին անցկացնում, որ ծակը չգոցվեր: Նույն ձևով ծակում և վարժեցնում էին քթի կամ շրթունքի խզմայի ծակերը:

Ականջ կամ քիթ ծակելու գործողությունը կատարում էր տան մեծ հարսը: Նախ ասեղը մեղրամոմի բոցի վրա այրում, ապա սրբում, ձեթի կամ օճառի մեջ թաթախում ու ծակում էր:

Հայերից քշերը, իսկ քրդերը ընդհանրապես դադում էին մարմնի զանազան մասերը, ճակատին՝ աստղ, այտի փոսիկին՝ կիսալուսին, թունջին՝ սիրտ, կրծքին՝ թևավոր հրեշտակ, բազուկին՝ ուժեղ և առնական մարդու պատկեր և զանազան ձևերի այլ նկարներ կամ ծաղիկներ էին պատկերում:

Փեճեզ: Աղքատի զարդուկին փենեզն էր, որը շժանգոտվող ոսկեգույն մետաղ էր, կտրված ոսկե դրամի ձևով և նույն ծաղիկներով:

Փենեզը կարում էին քոֆու եզերքին, շինել էին տալիս ճակտերնոցներ, կերտանլոներ, ապարանջաններ, օղեր, նույնիսկ քամարներ:

Հարդարանքն իր արտաքին ձևով մնում էր նույնը, փոխվում էր մետաղը, որը անհամեմատ աժան էր, քան արծաթը և բավարարում էր զարդարվել ուզող չքավորների պահանջը:

Փուլ: Կարծր և դիմացկուն ոսկեգույն մեառաղ էր, կլոր, ունեւր շաա փոքր տրամադիծ: Փուլի կենտրոնում ասեղ անցընելու մեծությամբ ծակ կար, կարում էին լաշակների եզերքին, կախում ծամկալների փնջիկներից և օգտագործում ուլուն-րով խառն ասեղնագործության ժամանակ:

Փուլը և ուլունքը չքավոր դասակարգի զարդա-րանքի լրացուցիչ մասն էին կազմում, ուր ուլուն-քըն էր գործածվում, այնտեղ ներկա էր և փուլը:

Տղամարդկանց հարդարանք: Երիտասարդները մինչ ամուսնանալը գլխի մաղերը զրխում էին (խուզել) հավասարապես, միայն ճակատին նա-յող մասի կենտրոնում ձգում էին մի բուռ ծամ, որը փնջեւմ էր կոշվում: Փեռնի մի ծայրի մի մասը ձախ ականջի մոտից դեպի ճակատը գուրս էին թողնում նախշուն արախշու տակից:

Չափահասները խնամքով բեխեր էին պահում, որ ոլորված վեր էին բարձրացնում քթի երկու կողմերից: Բեխ խուզելը կամ բեխին մկրատ զարնելը ամոթանք և նույնիսկ մեղք էին համա-րում: Տարեցներից ոմանք մորուս էին թողնում և դարձյալ պահում մաքուր, միշտ սանրված: Բեխն ու մորուսը պատվավոր տեղ էին դրավում, նույն-իսկ երբեմն սպառնում կամ երգում էին դրան-ցով՝ «Պեխերս կռիմկը էկեր...», «Մորուքս վկա, եթե...»:

Հայ թև բուրդ, առանց սևուի խտրության, մարմնի ծածկված մասերում գտնվող իրենց ավե-լորդ մաղերը մկրատով չէին խուզում, ոչ էլ ածե-լում, մանավանդ կանայք դա մեղք էին համարում: Թևերի տակի, երկու զիստերի իրար միացած տե-ղի առաջամասի մաղերը կաղնի փայտի մաղված փոշու և զոլ ջրի լուծույթով էին մաքրում, իսկ այն կանայք կամ աղջիկները, որոնք դեմքերին աղվա-մաղ կամ հաղիվ նշմարելի բեխիկներ էին ունե-նում, մաքրում էին աղտալով: Սա ալյուրի և շա-քարաջրի խառնուրդով պատրաստված պինդ խմոր էր, որը փակցնում էին դեմքի այն մասին, ուր աղվամաղն էր բուռել: Աղտան այն հատկությունն ունեւր, որ պոկելով ավելորդ մաղերը, հետք չէր թողնում մաշկի վրա: Եթե մարմնի ավելորդ մա-

ղերը պոկելով մաքրում էին, մեծ խնամք էին տանում գլխի մաղերն առավելագույն չափով ա-ճեցնելուն: Մամը կնոջ վայելչության և գեղեց-կության մասն էր կազմում: Մամերի արմատնե-րը հաստացնելու, մաղերը խտացնելու և երկա-րացնելու առաջին պայմանը գլուխ լվալն էր: Կա-նայք չէին ասում լողացա, այլ ասում էին՝ գլուխս լվացի: Շաբաթը մի անգամ պարտադիր կերպով լողանալու կարգ էր սահմանված, իսկ շափահաս աղջիկները և նոր հարսները երբեմն երկու անգամ էին գլուխ լվանում՝ մի անգամ ամբողջ մարմի-նը, մյուս անգամ՝ գոնե մաղերը: Գլուխ լվանա-լիս օճառ չէին գործածում, ասում էին, թե օճառը վնասուի է մաղերի աճմանը, ուստի մաղերը լվա-նում էին միայն կավով: Այն գլուղերը, որ կա-վահանք չունեին, տարեկան իրենց տան անգամ-ներին բավարարելու չափ կավ էին ձեռք բերում փոխանակության միջոցով: Կավով լվացած գլու-խը չէր անծոտում, հետևաբար և չէր ոչլոտում: Մյուս կողմից կավը առատ սնունդ էր հայթայթում մաղերի արմատներին և հնարավորություն տալիս մաղերի ոչ միայն աճմանը, այլև նրբանալուն և կակղելուն: Ամեն աղջիկ կամ հարս իր կավա-մանն ունեւր և միշտ խնամք էր տանում, որ կավը իր ամանից չպակասեր կամ չլորանար: Մեկի գործածած կավամանից կավ վերցնելը վնասա-կար էր համարվում: Կավը պահում էին մեծ քյու-փերի մեջ, որը կոշում էին կավեմեղ կամ կա-վամալաք, կավեղաք: Քյուփերի բերանները սեկով կապում էին, ապա դնում խուփը: Կավամանը հո-ղից շինված և լավ թրծված քարղան էր, որը կե-չիի սև, բայց հոտավետ ու անուշ ձյուլով օձված և ծաղկազարդված էր լինում:

Քրդերի և հայերի միջև եղած տարբերություն-ները հետևյալներն էին՝ քրդերը թլպատվում էին, հայերը՝ ոչ, բուրդ կանանց քիթը ծակում և խզմա էին անցընում, հայ կինը չունեւր այդ սովորու-թյունը: Քուրդ կնոջ ճակատի մաղերը մինչև կեսը հավասար կտրում և զիլյաֆ էին անում, ականջ-ների վերևի մաղերից խոպուպներ շինում, իսկ հա-յերը՝ ոչ: Քուրդ կինը արհեստական դաղումներով նկարներ, ծաղիկներ, սպիներ էր դրոշմում դեմքի որոշ մասերին՝ թևերին, կրծքին, իսկ հայերից ա-ռանձին անհատներ էին կատարում նման դա-շումներ:

Մարմնի առողջապահություն, լոգանք, լվացք: Վերը ասվեց, թե շաբաթը մի անգամ լողանալու կարգ էր սահմանված: Դա վերաբերում էր միայն կանանց, տղամարդիկ ձմեռը լվացվում էին տա-նըհինգ օրը, երբեմն ամիսը մի անգամ (տոներին,

¹ Քրդերի մեծամասնությունը բեխ և մորուս ունեւր, իսկ չորս օջախների պատկանող ժառանգական օջախամենեւր (ռեյպեր, սեխտ, տետե, մյուրշուտ), փիրը և փիրե-փիրաներն ու նրանց ժառանգորդները բնավ ածելի կամ մկրատ չէին զարնում իրենց բեխերին ու մորուսներին: Մորուս և բեխ հայհոյելը ամենածանր անարդանքն էր նկատվում, և ենթա-կան պատվում էր մահվամբ, եթե կրոնապետի, անմար սըր-րաղան օջախի տիրոջ կամ նրանց ժառանգորդների մորուսն ու բեխերն էին հայհոյված:

հարսանիքների, ուխտագնացության, մկրտության նախօրյակին), գարնանը և աշնանը՝ շաբաթը կամ տասնհինգ օրը մի անգամ, իսկ ամռանը սառը ջրով, ձորերում, լճերում կամ գետերում, գրեթե ամեն օր:

Ճերմակեղենը (թումբան և վարտիք) փոխում էին շաբաթը կամ տասնհինգ օրը մի անգամ՝ լողանալիս, իշիկը, բուժերը, թողուխները ամեն շաբաթ փոխում էին միայն ոտքերը մինչև ծնկները լվանալուց հետո, իսկ արտահագուստը՝ տոնական օրերին:

Լվացքը լվանում էին աղարթատանը, ուր լվացվելու հատուկ շայեր և օջախներ կային, աղարթատուն շունեցողները լվացքը անում էին թոնրատան օջախի կամ միջանցքի հարմարագույն վայրում: Գարնանից մինչև աշնան ցրտերը լվացքը տանում էին տնամերձ աղբյուրների կամ առունների հյւրերին, ուր և փուռում էին չափառների վրա ու չորացնում: Ճերմակեղենը լվանում էին տաք ջրով, տանը պատրաստված օճառով, նախ ամլում, ապա թակում, վերջը սառը ջրով ցայում էին:

Լճեպնեցր պորտ և սավան ունեին, իսկ անկողինների վրա փռում էին տանը գործված փալաս, որը սավանի ղեր էր կատարում: Լճեպի (վերմակ) պորտը չէին փոխում, այլ փոխում էին սավանը՝ յօրեցյօր: Երեքները անցնում էին կտավի տոպրակի մեջ դրված և բերանը կարված բրդի անկողնու վրայից և լվանում ամիսը մի անգամ, երբ անկողինները արեկող էին անում և բրդերը արևի տակ չբխում: Տեղերեսները կարում էին հատուկ տպածո հաստ կտորից, որը գնում էին շրջկենտրոններից կամ շարժիներից: Ծրեխաների վերմակների սավանը ալ, իսկ տեղերեսը կապույտ մահուդի կտավից էին կարում, հյուրերի անկողինների երեսները՝ դուրբից կամ ալաճալից, իսկ վերմակների պորտը՝ ծաղկուն փալենից, չթից կամ շղարշից, սավանը՝ սպիտակ կտավից:

Կային նստելու, թիկն տալու և անկողնու բարձր: Առաջին երկուսը մեջը խոտով լցված, տանը գործված կապերտներ էին, իսկ անկողնու բարձրը բրդով լցված կտորեղենից կամ գունավոր կտավից ու չթից էին կարում: Քնելու բարձի երկարությունը համապատասխանում էր անկողնու (ներքնակ) լայնքին, լայն ու բարձր:

ԿԵՐԱԿՈՒՐ ԵՎ ԽՄԻՋՔ

Լեռնաշխարհի բնակչությունը ընդհանրապես սնվում էր կաթնեղենով: Առանց մածուների, թանի

կամ արդար յուղի (հալած կարագ) ճաշերը հազվադեպ էին: Բացի մատաղներից, հոգու հացից, հյուրերի պատվին սարքված խորովածներից, միս չէին ուտում: Միսն օգտագործում էին չափավոր, նոյեմբերից մինչև մարտի կեսերը, թարմ կամ ղավորմա, իսկ մարտից մինչև հոկտեմբերի վերջը սնվում էին առավելապես կարագ յուղով, բանջարեղենով և կաթնամթերքներով պատրաստված կերակուրներով: Կլիմայական պայմանները և դարերի փորձառությունը սովորեցրել էր լեռնցիներին տարին յոթուկես ամիս միս չօգտագործել, ոչ թե մսի պակասի հետևանքով, այլ ուղղակի առողջապահական նկատառումներով, այլապես հազարներով ոչխար և այծ ունեցող տնտեսության համար ոչինչ չէր պակասի, և թե տարվա այդ ամիսներին հազար գառից երկու հարյուրը մորթեր սննդի համար: Դերսիմցին ավանդաբար պահում էր այն սովորությունը, թե միսը օգտակար է այն ժամանակ, երբ օդը զով է և եղանակը ցուրտ, մանավանդ երբ լավ սնված կենդանու ոսկորը ծուծով լցված, դմակը հաստացած, կուրծքը յուղոտած և երիկամները ճարպի մեջ կորած էին լինում:

Մսեղենի դեպքում էլ, սակայն, ավելի օգտագործում էին արդար յուղը և մածոնախառն ու բուսական, հատկապես հատիկեղենից պատրաստված կերակուրները: Գարնան ամբողջ տևողությանը և ամռան ամիսներին սնվում էին վայրի ու ընտանի բանջարների, բոդիների, սունկի տապակոցներով կամ աղցաններով:

Վայրի կանաչին լեռներից և անտառներից հավաքելու պարտականությունը տան չափահաս աղջիկների և հարսների գործն էր: Դրանք օգտագործում էին կանաչ վիճակում, մի մասն էլ թթու էին դնում, մնացյալը հյուսում ու չորացնում որպես ձմռան պաշար:

Լեռնաշխարհի առատ բուսականությունը և կաթնամթերքը միջոց էին ստեղծել, որ մարդիկ դառնան յուղակեր, բուսակեր, կաթնակեր, բայց ոչ մսակեր:

Լեռնցիների մեջ հավկիթի (ձու) գործածությունը մեծ չափերի էր հասնում: Այն օգտագործում էին խաշած վիճակում և ձվածեղ, տապակոցներ կամ ճմուռ պատրաստելիս: Ձուն և մածունը գյուղացի տանտիկնոջ պատրաստի կերակուրն էր, նա չէր նեղվում անակնկալ հյուրեր ընդունելուց, քանի որ տանը միշտ պատրաստ ձու, մածուն և յուղ ունեւր:

Բացի Եփրատ և Արածանի գետերի մերձափնյա գյուղերից և Քղիի, Բալուի ու Չարսանջակի շրջ-